

圓心願開騷  
計劃旅行慰妻

劉威煌睇完古淖文的澳門騷後，不敢除衫獻醜。



劉威煌前晚在麥花臣場館舉行尾場演唱會，吸引多位圈中好友到場睇騷，台下星光熠熠！之前他曾表示有機會在演唱會除衫騷肌，但最後「冇找數」，他受訪時笑言之前看了古淖文的澳門騷，看見對方身形弗到漏，他不好意思獻醜！

連兩場《2024 劉威煌 REunite Concert》前晚圓滿結束，吸引「中1生」羅啟豪、支譽儀及「中2生」古淖文、黃劍文、陳俞菲、陳蒨葶、王玥、陳燕娜、王學琳等捧場。《聲夢傳奇2》亞軍黃洛妍擔任嘉賓，拉小提琴率先登場，之後「輕鬆啲」成員顏米羔、譚輝智、甘永傑、梁浩賢等上台接力合唱經典英文歌，大批粉絲湧到台邊跟他們握手，表現瘋狂！

Encore 環節，劉威煌行到觀眾席跟古淖文及黃劍文合唱幾句《愛之初體驗》，然後請捧場的圈中朋友全部上台大合照，以及多謝陪他承受沉重開騷壓力的太太，最

# 劉威煌冇除衫 賴古淖文太弗

後劉威煌唱《普通人》為個唱畫上句號。

對於台下不時有粉絲大叫「仲未除衫」，劉威煌受訪時笑言：「睇嚟要回水！之前睇古淖文睇澳門演唱會騷嘅『野男本錢』，我呢啲小朋友唔好獻醜。其實我呢兩個月開始做運動操練，依家怕一除衫，聽日就俾人笑，不過我會繼續操練，希望遲啲影一輯相留念。（操好啲下次開騷找數？）操肌容易過我開演唱會，哈哈！」

之後他感觸表示完成兩場演唱會算是圓了心願，再開騷的機會不大：

「今次主題係第4部曲嘅重聚，我當係最後一次開騷，因為舉

行一個騷好難，要經歷好多複雜問題，我今次已經盡力，老婆真係好辛苦。」問到會送什麼禮物獎勵老婆？他說：「之前去旅行係我話事，去邊佢都會陪我。今次就畀佢揀，我陪佢去，就算北極都照去，但老婆鍾意去歐洲。」

有請龍婷睇騷

問到可有邀請備受負面新聞影響的龍婷？劉威煌說：「其實《超級巨聲》同《中年好声音》所有歌手都有邀請。（點解龍婷冇嚟？）我有畀群組邀請大家嚟，但邊位覆咗我都忙到冇時間睇，我真係處理唔到票務問題。（畀龍婷休息吓？）要休息就休息啦，唔係事事都控制到。」



劉威煌落台邀黃劍文合唱。



「輕鬆啲」成員上合唱歌，炒熱全場氣氛。



區永權（左）與洪永城分享育兒經驗。

## 洪永城自認緊張爸爸 無時無刻驚囡囡被拐

洪永城與區永權等前晚宣傳無線全新直播綜藝節目《瞬間直擊半小時》，提到洪永城細女 Beryl 早前被發現右眼袋位置長了血管痣，他說：「依家穩定冇變化，粒士多啤梨痣冇發大，醫生都話冇特別變化就唔使理，如果有發大先處理，因為好多時會自動消失。」

育有兩子的區永權稱不會再讓囡囡穿仔仔裝，他解釋：「因為佢哋着仔仔裝去主題樂園，見佢哋跑來跑去，後尾先發覺原來一直只有一個跑，原來細仔走失咗，好彩其他遊客帶細仔搵職員幫忙。」洪永城聞言說：「都唔知要睇到幾多歲！見到好多拐子佬拐走小朋友嘅片，睇到我心都驚！每次工人姐姐帶囡囡出街，我都打電話又發短訊 check 住，工人姐姐可能有同太太投訴我太煩。」

羅天宇日前到黃埔天地出席籃球活動，為參賽者打氣及進行表演賽，同場還有香港職業籃球員蘇志樂、韓天次、楊文綱和吳嘉軒。天宇透露於內地趕拍《金式森林》，特意趕返香港出席今次活動。提到緋聞女友陳懿德連跑 10 日主持奧運，獲外界一致讚好，他表示有留意相關報道，大讚陳懿德勤力：「佢真係好叻又勤力，見到啲報道係鋪天蓋地。（有冇叫佢加油？）私下就冇，可能會畀 lg 留言畀佢。見佢做《東張西望》訪問人又幾好，做《福祿壽訓練學院》又做得唔錯。」

## 羅天宇讚陳懿德勤力



羅天宇熱愛打籃球。

## 雲浩影 盼明年開個唱

雲浩影日前與 60 位被抽中的幸運兒開派對慶生，她除了與「迷雲黨」（粉絲暱稱）玩遊戲外，更剖白自己的內心世界，她感性說：「出道第 3 年，我覺得自己大個咗好多，但我都係之前傻更更嘅我。呢段時間不斷學習、努力，想成為更好嘅歌手，想令『迷雲黨』感到自豪。」期間她感觸落淚，全場報以掌聲支持。9 月將首次參演舞台劇的她透露排練得如火如荼，亦希望明年開個唱：「好多歌曲製作中，希望到時有一個好精彩嘅演唱會帶畀大家。」



雲浩影跟粉絲合照留念。